

مؤسّسات خاصة محلية

استمارة مسرحية

مسرحية رقم (٥٠)

اسم المسرحية : اميرة والذئباب

تأليف : عبدالواحد محمد

إخراج : فالح فايز

إنتاج وتقديم : السيد للديناج الفني

مكان العرض : مسرح سيف الدوحة

تاريخ العرض : ١٣/١١/٤٠٠٤ هـ اول ايام عيد الفطر المبارك ١٤٢٥ هـ

عدد العروض : ٦ عروض

عدد الرواد : ٣٠٥٠ متفرج

ملاحظات :

عبدالله
وحدة التوثيق

السيد الانتاج الفني
لأروز للانتاج الفني تقدم

مسرحية

أفيرة

والدنيا

تأليف : عبدالواحد محمد

إخراج خاليد فاني

تم عرض هذه المسرحية على خشبة مسرح سينما الدوحة بـ
يوم السبت اول ايام عيد الفطر المبارك ١٤٢٥ هـ
الطوافه ١٣/١١/٢٠٠٤

		((مسرحية- أميرة والذئاب))
		((الفصل الاول))
		الديكور عبار ه عن حقيقه امام كو خ قديم للجد بوصالح وتعيش معه في هذا الكو خ ابنته أميرة وابنه حسن وقطتان يحبهما الجد بوصالح كثيرا تبدأ المسرحيه على فاصل موسيقي واميرة تجري خلف القطه على المسرح وتشتكي للاطفال منها ومن شقاوتها..
أميرة	:	تعالى اهنيه انا باراويج.. جان فيج خير وقفي.. تعالى اقولج وقفي.. صدج وين بتروحين منى .. انا كم مره امحذرتج وقايلت لج لانتشربين الحليب من كوبي.. لانتشربين الحليب من كوبي انتي ليش ماتبين تسمعين الكلام.. انا حذرتج ثاني مره باذبجج ..(ترميها)..
الجد	:	(يدخل وفي يده فاس).. أميرة ..تعالى اهني..(يمسكها من انيها).. وانا كم مره حذرتج انتي واخوج وقلت لكم لاتمدون يدكم عليهم.. اتحملي ثاني مره اتسوين في القطوه جدي.. انتي فاهمه..
أميرة	:	جدي انا مادري ليش انت ه دايم اتهاوشنا بسبة هالحيوانات
الجد	:	لاتقولين حيوانات .. جم مره انتي واخوج قلت لكم لاتقولون عنهم حيوانات ..
أميرة	:	بعد القطاوه شيقولون عنهم مب حيوانات

الجد	: وانا اقولكم لاتقولون حيوانات يعني لاتقولون حيوانات وخلص..(أميرة تدخل للداخل غاضبه.. بينما الجد ياخذ القطه ويجلس جانباً).. لاتصيحين علشان خاطري لاتصيحين.. خلاص.. أميرة ماتقصد.. تتره العيال مايدرون عن شي توهم صغار.. وحتى لو باقولهم .. شاقول لهم .. عيزت وانا اصارخ عليهم واهاو شهم...تعالى اعطيج حليب بس لاتزعلين من أميرة.. تتره أميرة طيبه واتحبج وبعد لاتنسين انها.. لاحول ولا قوة الا بالله..(ياخذها ويدخل للداخل).. أميرة.. يا أميرة تعالى يابه كملي الشغل عني خليني اروح ارتاح اشوي..(تخرج أميرة من الكوخ وتاخذ الفاس وهي تبكي.. يدخل اخوها حسن في يده بطيخه)
حسن	: هاج اخذي هالبطيخه الحلوه طرشها لج عمى بويوسف.. وصانى اسلمج اياها في يدج قال لحد ياكل من البطيخه هاذي قبل زنوب..(أميرة تهم بالخروج وهي تبكي).. أميرة اشفيج.. اكيد جدي هاوشج
أميرة	: وكل يوم ايهاو شني بسبة هالقطاوه.. اول مره اجوف انسان ايجب الحيوانات اكثر من عياله..
حسن	: اش قصري صوتج لايسمعج.. حتى انا امس مهاوشني بسبتهم .. اتصدقين وحده منهم نايمه على سريرى وموصخه السرير وعافسه الدنيا وايقول لاتهاوشها..
أميرة	: بصراحه ياخوي انا متضايقه وايد من هالسالفه وكل ما ايهاو شني

حسن	:	زنوب انا عندي خوش فكره بس ابيع اتساعديني فيها
أميرة	:	اساعدك في شنوا
حسن	:	شوفي .. انحط القطاوه في خيشه وانقطهم بعيد عن هالمكان ..
أميرة	:	وين انقطهم
حسن	:	انقطهم في طريقنا واحنا رايعين السوق .. اشرايح
أميرة	:	واذا جدي عرف
حسن	:	اش بيعرف جدج من بيقوله انا ولا انتي ..
أميرة	:	كيفك حسون انا مالي خص ..
حسن	:	اقولها ساعديني اتقول مالي خص .. زين خلاص انتي مالج خص انا باسوي كل شي .. ذيك الساعه بنفتك منهم ومن هواش جدي ..
أميرة	:	امش انروح انكمل شغلنا الحين ولي بغينه انروح السوق ايصير خير .. (يدخل بويوسف) ..
بويوسف	:	السلام عليكم يا عيال .. نسيت اقولك اتيب لي محراث ياولدي .. زنوب عطاج حسون البطيخه .. اتحملي ياكلها عنج انا امطرشها مخصوص علشانج .. برديها في الماي واكليها طعمها مثل العسل
أميرة	:	مشكور عمي بوسف ما قصرت
بويوسف	:	علشان اتعرفين عمج بويوسف اشكتر ايجب
أميرة	:	ادري ياعمي انك اتحبنا اكثر من هالجد اللي ايجب الحيوانات اكثر مني

	ومن اخوي ودايما ايهماوشنه علشانهم..	
بويوسف	: بعد رد وهاوشكم.. خلاص ولا ايهكم انا باتكلم وياه .. بس وينه هو الحين ..	
أميرة	: روح له يالس في الكوخ مع عياله القطاوه.. يلاحسن..(يخرجان..يدخل الجد)..	
الجد	: اشلونك يابويوسف	
بويوسف	: الحمد لله بخير.. العيال زعلانين منك.. انا كم مره قايلك لاتهاوشهم يابوصالح..	
الجد	: غصب عني يابويوسف.. يعني بتسوي روحك ماتدري.. انت رفيجي ومن اقرب الناس لي والسر محد يدري به غيرك..	
بويوسف	: قولهم وفك روحك يابو صالح.. لي متى بتم اتخش عليهم	
الجد	: (بحسره).. شاقولهم.. ماتقولي شاقول لهم..	
بويوسف	: قولهم الحقيقه	
الجد	: خلنا من هالسالفه الحين وقول لي اشفي خاطرك..	
بوصالح	: ابد وانا اخوك بغيت محراث اذا عندك واحد زايد..	
الجد	: أي عندي اشلون ما عندي.. تعال اعطيك اياه.. (يخرجان.. اظلام مع موسيقى وموثر خيل تجر عربيه. ومواء قطط.. يتخللها موثر مطر شديد وبرق وعواء ذئب.. يتغير الديكور الى كوخ الساحره وهي تبدوا مسروره باختطاف	

	أميرة وحسن وانها سوف تتمكن من الحصول على الكتاب.. يدخل ذئب حاملا الكيس الذي وضع به قطتان)..	
الساحره :	(تضحك وهي تقدم للذئب شيئا ياكلونه).. اكلوا.. استانسوا.. اشبعوا.. اخيرا طاحوا عيالك في يدي يابوصالح.. مافي الا هذي الطريقه علشان اقدر اخذ الكتاب منك ياالشايب المخرف.. الكتاب اللي من اسنين اطارذك علشان.. (تكلم الذئب).. ماخليت شي ماسويته.. كم مره حرقت بيته وكم مره حرقت مزرعته وكم مره ردمت ببر الماي ولاكان راضي يعطيني الكتاب لكن المره هذي باحرق قلبه مثل ماحرقته اول مره مع ولده صالح ومرته.. وحولتهم قطاوه.. (تخرج القطط من الكيس وتسلمهما للذئب).. هاكم.. حطوهم في قفص وعلقوهم اهني علشان ازين داري فيهم واكمل عيني بشوفتهم.. (تنظر في البلوره السحريه).. الحين يه الدور على عيالهم أميرة وحسون وباشوف انا ولا انتة ياالشايب ياالمخرف.. (يدخل احد الذئب.. يهمس للساحره).. يلا انخشوا.. انخشوا بسرعه كلكم خلوني اشوف شغلي مع هالز عابيط.. (تخرج الذئب وتفتح الساحره الزير وترمي به شيئا ما وهي تتمتم بكلمات غير معروفه.. صوت دقات الباب.. تختفي الساحره مع الدخان بحركه سحريه.. يدخل حسن وأميرة)..	
حسن	تعال.. دشي بسرعه.. خلينا ننخش اهني عن المطر.. بس ايخف اشوي نرجع البيت ..	
أميرة :	حسون.. انا خايفه الكوخ هاذي شكله ايخرع..	

حسن	:	ولا اخرج ولا شي بس انتي شكلج خوفه.. تعالي.. اشفيج..(تدخل الساحره من الباب الخارجي)..
الساحره	:	انتوا شتسوون اهني.. واشلون دخلتوا بيتي
أميرة	:	سامحيننا ياخاله احنا تلغوزنا من المطر..ولقينا الباب مفتوح.. قلنا ننخش اهني الين ايخف المطر اشوي وبعدين انروح البيت..
الساحره	:	أي اشوه ظنيتكم حراميه بتسرقون البيت.. طلعت ياعياي اييب لي ادوى من عند العطار مريضه يامكم وعيوني اتعورني..غربلني المطر وانا مره عيوز ماعندي لاساعد ولا معين.. ياريت كانت عندي بنيه حلوه مثلج اتساعدني في حاجتي..(تحاول لمس أميرة فتبتعد عنها خائفه)..
أميرة	:	يلا حسن احنا تاخرنا على البيت
الساحره	:	لالالا مايصير تطلعون على هالليل وفي هالمطر ياعيال خلكم عندي اشوي لين ايوقف المطر اخاف عليكم من الطريح ..تره ياعيال الغابه مليانه ذيابه.. انتوا ماتخافون من الذيابه
حسن	:	بس ياخاله احنا تاخرنا وايد ويمكن جدي الحين
الساحره	:	اشفيكم انتوا بنتم انسولف عند الباب تعالوا يلسوا داخل تعالوا البيت بيتكم.. (تسحبهم للداخل وتغلق الباب.. وصوت الباب يبدوا موثرا ومرعبا)..اسوي لكم شي تاكلونه اشعلي مستعيلين.(تجلسهم بالقوه).. يلا قعدوا يلا..(تدخل للداخل)..

أميرة	:	حسون.. المره هاذي شكلها مايطمن .. يلا خلينا نمشي بسرعه
حسن	:	كلامج عدل ياختي لكن الدنيا برع مطروا صوات الذيا به اتخوف..
أميرة	:	اسمع المطر والذيا به بس خلنا نطلع من هالمكان احسن..(تفتح الباب فتجده مغلقا).. شفت حتى الباب تسكر علينا ومب راضي يفتح
حسن	:	هاه.(بخوف).. المره جنها اقفلت الباب وخذت المفتاح معاها.. سمعي سووي روحج نايمه.. سووي روحج نايمه يلابسرعه .(الاثنان يتظاهران بالنوم..تدخل الساحره وفي يدها بعض الطعام)..
الساحره	:	ناموا يحليلهم من غير ماياكلون.. (تغطيهم بلحاف بالي)..جنهم تعبانين وايد..(تسمع اصوات الذئاب في الخارج).. وانتوا بعد جنكم يوعانين..(تفتح الباب وتخرج.. يكشف حسن وأميرة الغطاء عن راسيهما)..
حسن	:	اف .. بغيت اموت اش هالريحه الخايسه
أميرة	:	اف ..(تسعل).. حتى انا ياخوي..(تنظر من النافذه).. حسون تعال شوف شتسوي العيوز
حسن	:	..(ينظر من النافذه).. شتسوي
أميرة	:	شوف تعطي الذيا به اكل..
حسن	:	العيوز هذي وراها سر واحنا لازم نطلع من هالمكان بسرعه..
أميرة	:	قلت لك انا اول ماشفتها ماتطمنت لها.. حتى شكلها ايخوف
حسن	:	(كاته يبحث عن شي)..انا خاطري اعرف اش سالفه هالمره العيوز

أميرة	:	حسون شتدور.. لاتضيع الوقت خل نشرد بسرعه من اهني قبل ماترجع
حسن	:	يلا يلا بسرعه..(يهمان بالخروج وتظهر الساحره في وجههم)
الساحره	:	وين رايعين يا عيال
أميرة	:	هاه.. احنا مب رايعين بس اخوي كان عطشان ايدور على الماي يبي يشرب..
الساحره	:	تعال يامك اشرب اكو الماي جدام عينكم ماتشوفون..(تفتح زير الماء وتعطيه كوب ماء حسن يشرب باشمنزاز وكأنه لم يستسيغ الماء)..
أميرة	:	انتي وين طلعتي ياخاله
الساحره	:	عندي اشوية غنم في الزريبه رحت اشوفهم ليكون لعوزهم المطر..(أميرة وحسن ينظران لبعض باستغراب).. تبون شي يا عيال قبل ماروح انام
أميرة	:	سلامتج ياخاله روجي ارتاحي..(تدخل الساحره للداخل..حسن يستفرغ الماء)
حسن	:	واع.. الماي طعمه غريب وريحته مب حلوه..
أميرة	:	حسون.. حسون اشفيك.. اشوفك قمت اتصيب عرق
حسن	:	تعبان ودايخ حاس ابي انام..(ينام وتغطيه أميرة بالحاف .. تمشي في الكوخ وهي تبدو قلقة).. اشفي حسون من شرب الماي وهو شكله مب طبيعي..(تفتح زير الماء فتشم رائحه غريبه فتغلقه بسرعه).. اكيد الماي هذي في شي..انشاالله بس اخوي مايصير فيه شي..(تسمع اصوات غريبه فتحاول الاختباء.. تدخل عليها مجموعه من الذئاب وتبدا بمطاردتها وتخويفها

	وهي تهرب وتصرخ).. يمه.. يمه.. حسون اخوي.. الحق علي يا حسون حسون قوم يا حسون اشفيك ماتسمعني اقولك قوم اشفيك.. ياخاله.. وينج ياخاله (تقرع الباب عليها فلا ترد.. تحاول ان تفتح الباب الخارجي فتجده مغلقا.. تقترب منها الذئب فيغمى عليها تخرج الذئب.. تدخل الساحره وهي تضحك .. تسحب أميرة ..فتصرخ).. هدوني هدوني الله اخليكم هدوني
الساحره	: اشفيج يابنيتي اشفيج هذي انا..
أميرة	: بياكلوني.. بياكلوني ياخاله
الساحره	: من هاذيلا اللي ياكلونج.. من يقدر يدخل اهني ..الباب انا قافلته بالمفتاح اشفيج متخرعه يمه
أميرة	: في حيوانات اهني .. قبل اشوي اهجمو علي وبغوا ياكلوني
الساحره	: لاتخافين يمه محد بياكلج يمكن ايتراو الج من التعب.. تعالي ارتاحي اهني عند اخوج اللحين الصبح قرب يطلع وتتوكلون واتروحون بيتكم..(تغطي أميرة باللحاف وتدخل للداخل.. أميرة تنهض)..
أميرة	: حسون يا حسون.. قوم يا حسون اشفيك.. قوم يا حسون خل نطلع من هالمكان قبل لا يصير فينا شي..(تكشف الغطاء عن وجهه فتراه قد تحول الى ذئب تصرخ خائفه ينهض ويحاول تخويفها ثم يدخل للداخل.. تحاول فتح الباب فتجده مغلقا تاخذ صخره كبيره وترميها على النافذه فتكسر ها وتخرج منها بسرعه.. تدخل الساحره مسرعه من الداخل).. اه قدرتي تشردين يابنيه لآكن وين بتروحين مني .. يا ذيا به .. وراها يا ذيا به لاتهدونها..(تخرج الذئب عدا

<u>الفصل الثاني</u>		
يبدأ الفصل الثاني على موثر موسيقى مناسب لغايه موحشه.. والذئاب تبحث عن أميرة.. وتخرج من الجهة الاخرى للمسرح.. يدخل الجد وبويوسف وهم يبحثون عن أميرة وحسن..		
وين راحو يعني .وين راحو. شالي اخرهم هالكتر.. من امس العصر طالعين للحين ماردوا.. (يجلس).. خلاص انا تعبت ماخلينا مكان في هالغايه مادورناهم فيه اكيد صار فيهم شي يابويوسف	الجد :	
ياريال اذكر الله وانشالله مافيهم الا العافيه.. اشفيك انت.. شفت بروحك المطر البارحه اشلون كان قوي حتى احنا ماقدرنا اندور عليهم..	بويوسف :	
والبلوه الثانيه القطاوه ماوصلناهم.. بعد خايف اكون صار فيهم شي..	الجد :	
يمكن العيال خذوهم وياهم	بويوسف :	
وين ياخذونهم.. انتة تدري انه حسن وأميرة مايدانونهم تبي ياخذونهم معاهم.. يلا ياخوي اكمل طريقنا والله ايسهل علينا وانحصلهم.. (يخرجون تدخل أميرة من الناحية الثانيه وهي خائفه وتشعر بان الذئاب تتبعها يدخل الذئب حسن ويرى أميرة يقترب منها ويضع يده على كتفها فتصرخ خائفه)	الجد :	
اخوي حسن.. لاياحسون لاتاذيني انا اختك زنوب.. تعال انروح البيت ياخوي تعال.. (تحاول انا تاخذه من يده فيهم عليها.. تصرخ صرخه عاليه) جدي.. جدي. الحق علي يا جدي.. (تسقط على الارض وتبكي.. يدخل الجد	أميرة :	

		وبويوسف)
الجد	:	وخر عنها وخر..(يضربه بقطعة خشبه فيهرب الذئب).. أميرة.. أميرة انتي بخير يابنيتي ماصار فيج شي
أميرة	:	(مرتعبه).. انا بخير جدي
الجد	:	وينكم ياييه انتي واخوج.. من امس طالعين.. خرعتونا عليكم.. انشالله بس ماصادكم شر..
بويوسف	:	اصبر عليها اشوي يابوصالح.. البنيه نسماها مقطوع من التعب والروع تعال.. ارتاحي يابنيتي.. ارتاحي.. قللي ياييه شللي صار..
أميرة	:	واحنا رادين في الطريق طق علينا مطر.. انخشينا انا واخوي داخل كوخ.. وعقب اشوي اطلعت لنا ساحره عيوز اسحرت اخوي حسن (تبكي).. اخوي حسن صار شكله مثل الذيب ياجدي
الجد	:	اشلون
أميرة	:	قدرت انا اشرد منها وتمو الذيايه اللي عندها ايلحقوني طول الطريق الذيب اللي كان اهني قبل اشوي اهو اخوي حسن
الجد	:	حسن اخوج
أميرة	:	أي جدي .. زين انكم لحقتوا علي ولا جان ذبحني..
الجد	:	اكيد الساحره ام غنان ورا هالسالفه.. انتي اتدلين المكان عدل يابنيتي
أميرة	:	ادله جدي ادله.. يلا خلنا انروح بسرعه ننقذ اخوي حسن من يد هالساحره

الجد	:	السالفه مب سهله ياأميرة.. هاذي الساحره ام غنان وانا اعرفها زين
أميرة	:	من هي الساحره ام غنان جدي..
الجد	:	الساحره هذي سالفتها ويانا طويله.. باقولج عليها واحنه في الطريق
بويوسف	:	وشناوي اتسوي يابوصالح
الجد	:	مادام قدرت اعرف مكان هالساحره خلونا انتوكل على الله علشان مانضيع الوقت وفي الطريق باقولكم اش ناوي اسوي ..(اظلام + فاصل موسيقي.. كوخ الساحره وهي تقوم ببعض الطقوس الغريبه والذئاب تقف حولها كالحرس ..والقطتان امامها في قفص تذهب وتنثر شيئا على النار فيظهر الدخان)..
الساحره	:	اشم ريحة انسان يقترب من هالمكان.. (تنظر في البلوره السحريه التي تشع نورا..تتمتم بكلمات غير مفهومه..تضحك ضحكه عاليه)..وصل الشايب المخرف صل..(للذئاب). سمعوا ابيكم اتساعدوني كلكم علشان اقدر اخذ الكتاب من عنده. واوديه حق ابوي الساحر الاكبر اللي من يوم ماضاع الكتاب وهومسكين طايح مريض واكيد اذا وديت له الكتاب بيشفى من المرض وبتكون مكافاتي عنده مكافاه كبيره.(تنظر في البلوره السحريه وتضحك)..ابوي الساحر الاكبر قال هالكتاب لو طاح في يد ساحر غيري بيدمرنا كلنا ويحصل كل الخير اللي لازم احنا انحصله وبيملك الدنيا هذي كلها..علشان جزي لازم احصل الكتاب بسرعه واوديه حق ابوي

		الساحر الاكبر اما اذا ما قدرت احصله عقابي سيكون شديد.. يلا تحركوا بسرعه.. خلوني استقبل ضيوفي (تشير للذئب فيقومون بتغيير شكل المكان وياخذون القفص ويخرج الجميع .. يدخل الجد وأميرة وبوصالح)
الجد	:	تعالوا دشوا.. اشوي اشوي.. ماشوف حد اهني يابنيتي
أميرة	:	(مندهشه).. لا يدي لا.. غريبه اشلون جدي
بويوسف	:	اشفيج يا أميرة
أميرة	:	بس انا متاكده من المكان..
الجد	:	ليكون ياييه بس ضيعتي المكان
أميرة	:	(تنظر للنافذه).. ماصدق.. قبل اشوي انا كسرت هالدريشه وطلعت منها
بويوسف	:	الدريشه صاحيه وما فيها شي
أميرة	:	مب معقوله كل شي في الكوخ متغير.. بس انا متاكده اني كنت اهني
الجد	:	يمكن اكونين غلطانه تعالوا انروح برع يمكن تقدر تذكر
بويوسف	:	وين انروح برع .. الحين الدنيا ليل ماظنتي تقدر اتذكر شي.. خلونا انبات اهني الليله والصبح انشالله انتوكل على الله.. واندوركوخ الساحره
الجد	:	خير انشالله.. (يذهب لاشعال النار.. بويوسف يفتح الباب فيشعر الجميع ببرد قارص).. سكر الباب ذبحتنا من البرد.. تعال وين رايح على هالليل
بويوسف	:	باروح اتأكد من المكان.. واييب اشوية اخشاب الدنيا برد والاشباب هذي

		ماتكفي للصبح..(يخرج.. أميرة تسير في الكوخ متاملة وغير مصدقه..تتظر من الشباك فتصرخ)
أميرة	:	لا.. لايايوسف..لاتشرب من هالماي لاتشرب
بويوسف	:	(من الخارج).. ليش اشفي الماي
أميرة	:	اقولك لاتشرب..الماي مب زين لاتشرب منه
الجد	:	اشفيج يايبه خليه يشرب يمكن الريال عطشان
أميرة	:	الزير اللي فيه الماي هو نفس الزير اللي كان اهني وشرب منه حسن اخوي.. شوف اقوله لاتشرب يشرب
الجد	:	سكري الدريشه وتعالى تدفي احذا الضو يايبه..(أميرة تغلق النافذه وتجلس بجانب جدها تفكر).. شتفكرين فيه ياأميرة
أميرة	:	افكر في هالدنيا الغريبه افكر في حالنا.. افكر في امي وابوي واخوي حسن مادري اذا كنت باقدر اشوفهم مره ثانيه ولا لاء
الجد	:	خلي ايمانج بالله قوي .. وكل شي ايصير في هالدنيا بامر الله
أميرة	:	ونعم بالله يااجدي.. بس انا للحين مب امصدقه ان القطوتين اللي كانوا عايشين معانه في البيت اهمه امي وابوي.. واشلون احنا كنا نظربهم واناذيههم ومانحبهم.. واشلون انا وافقت حسون ايحطهم في خيشه وايقطهم في الشارع.. انا عمري مابسامح نفسي.. ليش ماقلت لنا جدي.. ليش خشيت علينا السالفه كل هالسنين..

الجد :	خلاص يابنيتي اللي صار صار وهذي كتبة الله وخلينا انشوف باجر اش مكتوب علينا..
أميرة :	جدي ليش الساحر اتسوي فينا كل هادي علشان كتاب
الجد :	الله واعلم يابنيتي انا قريرت الكتاب ليما عيزت بس ما قدرت افهم منه شي.. لكن اكيداهي اتعرف شتسوي فيه
أميرة :	ومن وين بيت الكتاب
الجد :	عطاني اياه ابوي الله يرحمه قبل مايموت وقالني خشه عندك واتحمل ايطيح في يد الساحر ام غنان تره بتخرب الدنيا وبتظر الناس..
أميرة :	ابوك كان ايعرف الساحر
الجد :	ابوي كان يشتغل عند ابوها يوم كان ايداوي الناس بالاعشاب وهالسوالف لكن وقت ما عرف انه ساحر ودجال ايقص على الناس وياخذ بيزاتهم وايخرب بيوتهم راح عنه وتركه..
أميرة :	دام انه يخدع الناس ليش ايصدقونه
الجد :	الدجالين هاذيلا محد ايصدقهم الا الناس اللي قلوبهم ضعيفه وايمانهم بالله سبحانه وتعالى ضعيف..(يدخل بويوسف حاملا زير الماء)..
بويوسف :	يلا هذا الماي بيناه الين عندكم يمكن تعطشون..(يخرج.. أميرة تذهب وتفتح الزير وتشم الماء)..
أميرة :	غريبه الماي هذي مافي ريحه

الجد :	(ضاحكا).. ومن متى الماي كان له ريحه..(يدخل بويوسف ومعه رزمه من الاخشاب)..
بويوسف :	هاكم هالحطب بيكفيكم الين الصبح.. اشفيكم انتوا يالسين اتسولفون ماتبون تتعشون انا حاس باليوع عطيني الكيس ياأميرة اكل لي لقمه..(تحضر له الكيس).. وعطيني كوب ماي من عند ج يبه..
أميرة :	(متدريده).. انت شربت من الماي ماحسيت بشي
بويوسف :	لا والله ماحسيت بشي.. ماي بارد اشحلاته.. وهاذاني اشرب جدام عينج..(تسمع اصوات ذئاب.. أميرة تجري ناحيه النافذه بسرعه)
أميرة :	جدي.. تعال شوف بسرعه.. هاذي نفس الذيا به اللي كانت الساحره تعطيهم اكل..
الجد :	(يذهب وينظر من النافذه معها).. وين ياييه انا مب شايف لاذيا به ولا غنم
أميرة :	اشدعوه جدي ماتشوف اكمه اشكترهم جدام عينك
بويوسف :	(يوشر للجد دون تنتبه أميرة بالا يهتم بكلامها).. الظاهر ياأميرة ان جدي كبر ونظره خف وماعاد ايشوف مثل الاول..
أميرة :	جدي انا خايفه
الجد :	افا اتخافين واحنا معاج..(يذهب ويجلس بجانب النار.. بويوسف هامسا)..
بويوسف :	اقول ياخوي احنه صدقنا البنيه وبيننا معاها بس جنه كل الكلام اللي اتقوله غلط في غلط..

الجد :	اذا كان كلامها غلط عيل وين اخوها حسن..والذيب اللي بغى ياكلها شوفة عيني وعينك والمصايب اللي كل يوم اتصير لنا ولاهل المدينة من تحت راس هالساحره..السالفه فيها سر احنا مب عارفينه..
بويوسف :	اخاف انهم ايتغشرون ولا يكذبون علينا اهي واخوها حسون
الجد :	عاد غشمره جدي الله ايهداك يابويوسف أميرة بنتي وانا اعرفهازين وانت بعد اتعرفها عمرها ماكذبت لاهي ولا اخوها حسن
بويوسف :	..(ينتهي من طعامه)..والحين عقب هالاكل الزين مافي الا الواحد ايحط راسه واينام..(ينام بويوسف والجد ينام بجانبه)
الجد :	أميرة مابتتامين ياييه
أميرة :	انشاالله جدي الحين بنام..(تنام جانباً.. يدخل حسن بشكله الطبيعي ويقوم بتنظيف المكان)..حسن اخوي.. تعال اهني وين رايح..حسن انا أميرة اختك..(يخرج)..جدي جدي..(يصحو الجد).. قوم جدي قوم شفت اخوي حسن
الجد :	اخوج حسن وينه وينه
أميرة :	توه كان اهني وراح داخل..(يذهب الجد للداخل فلا يرى احدا فيخرج)..حتى شكله كان عادي ماكان ذيب..
الجد :	بسم الله الرحمن الرحيم..نامي يبه يمكن حلمانه نامي..(ينام الجد بينما تبقى أميرة جالسه تدخل مجموعه الذئاب وتبدا في تخويقها وهي تصرخ)
أميرة :	جدي جدي ..الحق علي جدي..الحق علي بيذبحوني.جدي عمي بويوسف

	الحقوا علي الذيا به بتاكلني.(تحاول ايقاض جدها وكذلك بويوسف فلا يرد عليها احد.. تخرج الذئاب وتدخل الساحره وهي تضحك).. هذي انتي.. جدي الساحره اطلعت جدي .. قوم اشفيك اقولك الساحره اطلعت..
الساحره :	لا تعبين نفسج محد منهم يقدر ايشوفني ولا يسمعي غيرج..
أميرة :	انتي ليش اتسووين فينا جدي.. انتي اش تبين منا
الساحره :	لاتسووين روحج غشيمه ابي الكتاب اللي عند جدج..
أميرة :	جدي قوم الله اixelك قوم الساحره اتقول تبي الكتاب.. نايم مايبي يصحى
الساحره :	ولا ايهمج انا باصحيهم..(توشر على الجد وبويوسف بالعصا التي في يدها مع موثر موسيقى ساحر فيصخوا الجميع بفرع من النوم)
بويوسف :	هاه اشصاير.. اشصاير
الجد :	اشفيج اتصارخين يا أميرة
أميرة :	اقولك الساحره جدي الساحره
الجد :	الساحره وينها
أميرة :	اكي واقفه جدامك ..
الجد :	أميرة يبه نامي وخلينا انعرف انام الله ايهداج
بويوسف :	يابوصالح كلام أميرة عدل الساحره موجوده معانه الحين
الجد :	بسم الله الرحمن الرحيم بويوسف اشفيك انت الثاني.. هذي البينه اتخرف انت بعد خرفت مثلها

أميرة	:	صدقني هاذي هي واقفه جدامك بس انت ماتشوفها.. هي قالت لي محد يقدر ايشوفني غير ج
الجد	:	(صارخا).. سمعي يام غنان اذا كنتي موجوده في هالمكان ردي علي
أميرة	:	ردي.. ردي على جدي اشفيج ساكته
الجد	:	اذا ماتبين اتردين احنا رايعين يلا خلونا نمشي
الساحره	:	قبل لاتروحون عطوني الكتاب
أميرة	:	شفت يا جدي تحجت صدقتي الحين.. عطاها الكتاب عشان اترجع لنا امي وابوي واخوي حسن
الساحره	:	اذا كنت تبني عيالك عطني الكتاب
الجد	:	طلعي خل اشوفج اذا كنتي تبين الكتاب.. (تدور الساحره حولهم دوره واحده فيظهر دخان كثيف على المسرح فتبدوا الساحره ظاهره امامهم)
الساحره	:	هذاني ظهرت جدامك عطني الكتاب
الجد	:	رجعي لي عيالي اول شي.. وانا اش يضمن لي انج ماتخذ عيني
الساحره	:	انا ماخذع احد واذا تبني نتاكد شوف بنفسك.. (تشيح بيدها فيظهر دخان كثيفا مع موثر موسيقي مخيف تدخل مجموعه من الذئاب تحمل القفص الذي به القطه والكلب يوضع القفص في وسط المسرح وتخرج المجموعه.. تجري أميرة نحو القفص)
الساحره	:	حاجيهم يابنيه اذا بغيتي تراهم ايسمعونج

أميرة	:	يمه .. يبه انا بنتكم أميرة..
ص الاب	:	أميرة انا ابوج .. ساعدونه يابنيتي ساعدونه
ص الام	:	أميرة انا امج.. خلي جدج يعطيها الكتاب علشان اتفك السحر عنا ونرجع لكم يابنيتي
أميرة	:	سمعتهم شيقولون ידי
الجد	:	شيقلون
أميرة	:	ايقلون خلي جدج يعطيهم الكتاب علشان اتفك السحر عنا ونرجع لكم.. الله اياك عطاها الكتاب
الساحره	:	عطني الكتاب اذا تبي عيالك يرجعون لك..(يدخل حسن وفي يده صينييه بها كوب فيه سائل غريب اللون).. زين انك تذكرت ان هذا وقت الشاي روح الحين خم الدار يلا بسرعه
أميرة	:	اخوي حسن.. تعال وين رايح
الساحره	:	خليه ايروح عنده شغل هذا الولد بيتم طول عمره يشتغل خادم عندي اذا جدج ماعطاني الكتاب ..(يدخل حسن للداخل).. وهادي ولدك بعد خليتك انتشوفه اش تبي اكثر من جدي يلا عطني الكتاب اشوف
بويوسف	:	عطاها الكتاب يابوصالح عطاها الكتاب علشان يرجعون لك عيالك
الجد	:	لا يابويوسف المره هذي شكلها تبي تخذعنا.. سمعي يام غنان رجعيهم كلهم مثل ماكانوا وباعطيح الكتاب

الساحره :	لا مابرجعهم لانك انت اللي تبي تخذعني.. عطني الكتاب احسن لك
الجد :	الكتاب مب عندي الحين .. نفذي لي الشرط ورجعي لي عيالي وانا اروح ابيب لج الكتاب ..
بويوسف :	كذاب .. الكتاب موجود عنده ياعمتي..عطاها الكتاب احسن لك..(يحاول ان ياخذ الكتاب من الجد بالقوه)..
الجد :	(يدفع بويوسف بعيدا).. شفتي ياأميرة حتى بويوسف صار معاها..
أميرة :	عشان جذي قلت له لا تشرب من الماي..(يندفع بويوسف مره اخرى لياخذ الكتاب من الجد. فيرميه على أميرة القريبه من المدفاه)..
الجد :	حرقى الكتاب ياأميرة ..حرقى الكتاب
الساحره :	(صارخه)..لا..اتحملي تحرقين الكتاب
بويوسف :	اذا حرقتي الكتاب مابتشوفين لامج ولاابوج ولا حتى اخوج
أميرة :	(بحيره).. هاه.. امي ..ابوي ..اخوي..
الجد :	لاتصدقينها يابنيتي الساحره هذي كذابه.. مثل ماسحرت امج وابوج واخوج واسحرت بويوسف واسحرت كل هالناس بتسحرنا وياهم..قطي الكتاب في الضو ياأميرة قبل ماياخذونه منج.. قطيه.. (تهجم الساحره على أميرة لتأخذ منها الكتاب فترميه في النار.. تحاول الساحره اخراج الكتاب من المدفاه فيدفعها الجد في النار فتحترق.. نشاهد دخان غريب اللون على المسرح والذئاب تدخل وتخرج وهي تتلوى.. الجد وأميرة في دهشه مما يحدث.. وبعد انقشاع الدخان نرى هدوء تام على المسرح)..

أميرة	:	شلي صار جدي
الجد	:	الحمد لله رب العالمين الشي اللي فكرت فيه الله قدرني وقدرت اسويه.. احترقت الساحره وماتت ومات معاها الشر..والشر يايبه عمره مايدوم.. وهاذي نهاية كل شرير.(تدخل مجموعه من الناس وقد عادوا الى شكلهم الطبيعي).. شوفي يابه اشلون هالناس فرحانه بعد ماخلتهم ايصيرون اذيايه وصاروا مثل الخدم تحت امرها..(يدخل حسن وقد عاد لشكله الطبيعي)..
حسن	:	جدي.. أميرة اشفيكم .. اشصاير
أميرة	:	اخوي حسن.. الحمد لله على سلامتكم ياخوي..
الجد	:	الحمد لله على سلامتكم ياولدي.. (يدخل بويوسف.. أميرة خائفه)..
زينيب	:	بويوسف جدي
الجد	:	لاتخافين يابنيتي بويوسف رجع مثل ماكان وماعاد شرير.. شخبارك يا بويوسف..
بويوسف	:	خير.. خير اشصاير ظهرت لكم الساحره
الجد	:	ياتك الساحره يا بويوسف ياتك الساحره
بويوسف	:	هاه..(بطريقه كوميديه).. وينها وينها..(يضحك الجميع)
أميرة	:	جدي وين امي وابوي
الجد	:	اوه تعالوا تراه احنا نسيناهم في الفقص..(يضحك الجميع) ..قوموا قوموا بسرعه انروح انشوفهم..(يخرج الجميع على خشبة المسرح بعودة الام والاب

	وجميع اهالي المدينه الى حالتهم الطبيعیه..	
2003/8/10	مع خالص تحياتي.. عبدالواحد محمد	